

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## ডঃ রাজীব শাহ

### ইউএসএআইডি প্রশাসক

ড. রাজীব শাহ ২০০৯ সালের ৩১শে ডিসেম্বর যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-র ১৬তম প্রশাসক হিসেবে শপথ গ্রহণ করেন। যুক্তরাষ্ট্রের সরকারি দাতা সংস্থা 'ইউএসএআইডি' প্রায় ৫০ বছর ধরে বিশ্বব্যাপী অর্থনৈতিক ও মানবিক সহায়তা প্রদান করে আসছে।

এর আগে ড. শাহ গবেষণা, শিক্ষা ও অর্থনীতি বিষয়ক আভার সেক্রেটারি এবং যুক্তরাষ্ট্র কৃষি দফতরে (ইউএসডিএ) প্রধান বৈজ্ঞানিক হিসেবে কাজ করেছেন। সেখানে তিনি যুক্তরাষ্ট্রের নিরাপদ, টেকসই, প্রতিযোগিতামূলক খাদ্য ও তন্ত্র ব্যবস্থা এবং একই সঙ্গে সমন্বিত গবেষণা, বিশ্লেষণ এবং শিক্ষার মাধ্যমে শক্তিশালী জনগোষ্ঠী, পরিবার এবং তরুণ প্রজন্ম গড়ে তোলার দায়িত্বে নিয়োজিত ছিলেন। যুক্তরাষ্ট্রের কৃষি দফতরে তিনি 'ন্যাশনাল ইনসিটিউট' অব ফুড অ্যান্ড এগ্রিকালচার' চালু করেন। এটি একটি নতুন বৈজ্ঞানিক সংস্থা যেটি অন্যান্য বৃহৎ বৈজ্ঞানিক গোষ্ঠীগুলোর সাথে কৃষি গবেষণার মান উন্নয়ন ও অর্থায়ন নিয়ে কাজ করে থাকে। জৈবজ্ঞানি, জলবায়ু, বৈশ্বিক খাদ্য নিরাপত্তা, শিশুদের স্কুলতা এবং নির্ভেজাল খাদ্য সরবরাহ -- প্রভৃতি বিষয়েও ড. শাহ বিভিন্ন উভাবনী উদ্যোগ গ্রহণ করেছেন।

ওবামা প্রশাসনে যোগ দেয়ার আগে ড. শাহ বিল ও মিলিভা গেট্স ফাউন্ডেশনের বৈশ্বিক উন্নয়ন কর্মসূচিতে কৃষি উন্নয়ন পরিচালক হিসেবে কাজ করেছেন। গেট্স ফাউন্ডেশনে তার সাত বছরের কর্মজীবনে তিনি ফাউন্ডেশনের "স্ট্র্যাটেজিক অপরচুনিটিজ"-এর পরিচালক পদে এবং "গ্লোবাল হেল্থ প্রোগ্রাম"-এর উপপরিচালক পদে নিযুক্ত ছিলেন। এসব ক্ষেত্রে দায়িত্ব পালন করার সময় ড. শাহ ফাউন্ডেশনের "গ্লোবাল ডেভেলপমেন্ট প্রোগ্রাম" গড়ে তুলতে ও চালু করতে সহায়তা করেন। এছাড়া ড. শাহ আফ্রিকায় 'সবুজ বিপর জেট' (অ্যালায়ান্স ফর আ হিন রিভোল্যুশন) ও প্রতিষেধক সেবাসমূহের জন্য 'ইন্টারন্যাশনাল ফাইন্যান্স ফ্যাসিলিটি ফর ইম্যুনাইজেশন' -- এই দু'টি সংস্থা গড়ে তুলতেও সহায়তা করেন। 'ইন্টারন্যাশনাল ফাইন্যান্স ফ্যাসিলিটি ফর ইম্যুনাইজেশন' এমন একটি উদ্যোগ যার মাধ্যমে শিশুদের প্রতিষেধক সেবার জন্য পাঁচশ' কোটি ডলারেরও বেশী অর্থ সংগ্রহীত হয়।

২০০১ সালে গেটস ফাউন্ডেশনে যোগ দানের আগে ড. শাহ ২০০০ সালে আল গোরের প্রেসিডেন্ট পদের প্রচারণা কমিটি-তে স্বাস্থ্য পরিচর্যা নীতি বিষয়ক উপদেষ্টা এবং পেনসিলভানিয়ার গভর্নর এড রেন্ডেল-এর 'ট্রানজিশন কমিটি অন হেল্থ'-এর সদস্য ছিলেন। তিনি “হেল্থ সিস্টেম অ্যানালিটিক্স” এবং দক্ষিণ এশীয় আমেরিকানদের জন্য ‘প্রজেক্ট ইমপ্যাক্ট’-এর সহ-প্রতিষ্ঠাতা ছিলেন। এছাড়া, তিনি বিটিশ পার্লামেন্টে নীতি সহযোগী হিসেবে এবং বিশ্ব স্বাস্থ্য সংস্থায়ও কাজ করেছেন।

মিশিগান রাজ্যের ডেট্রয়েট থেকে আগত ড. শাহ ইউনিভার্সিটি অব পেনসিলভানিয়া মেডিকেল স্কুল থেকে এমডি এবং ওয়ার্টন স্কুল অব বিজনেস থেকে হেল্থ ইকোনমিক্স-এ মাস্টার অব সায়েন্স ডিগ্রী অর্জন করেন। তিনি লন্ডন স্কুল অব ইকোনমিক্স-এও পড়াশোনা করেছেন। তিনি মিশিগান বিশ্ববিদ্যালয় থেকে স্নাতক ডিগ্রী নেন এবং স্বাস্থ্য নীতি ও বৈশ্বিক উন্নয়নের উপর তার বিভিন্ন নিবন্ধ প্রকাশিত হয়েছে। এর আগে ড. শাহ ‘দি অ্যালায়ান্স ফর আ গ্রিন রিভোলুশন ইন আফ্রিকা’ (এজিআরএ), সিয়াট্ল পাবলিক লাইব্রেরি এবং সিয়াট্ল কমিউনিটি কলেজ ডিস্ট্রিক্ট-এ কাজ করেছেন। ২০০৭ সালে ওয়ার্ল্ড ইকোনমিক ফোরাম তাকে “ইয়াং গ্লোবাল লিডার” হিসেবে নির্বাচিত করে।

ড. শাহ বিবাহিত এবং তার দু'টি সন্তান রয়েছে। তিনি ওয়াশিংটন ডি.সি.তে বসবাস করেন।

=====